

AK

15 JUNI 1979

Fls. 2,00



BOULEVARD



CHECKPOINT COLOR N.V.

ANJA 3 - No. 32 - JUNI 1979



**EUFEMIA
TROMP**

**PA KEN
LO
MI VOTA?**

P.P.A.

M.E.P.

A.V.P.

R.U.B.A.??

BETICO CROES

AWOR O NUNCA

Respetable Conciudadononan,

Dia 6 Juli ta acercando. Nos digno pueblo una vez mas lo bai haci uso di su derecho sagrado, pa eligi e representante pa e destino di nos pueblo. Si te hasta nos por considera e importancia di e eleccionnan aki di tal magnitud, cu nos por bien bisa: ITS NOW OR NEVER, AWOR O NUNCA.

Pakiko? Pasobra cu den e periodo crucial aki, libertad di nos pueblo lo ser realiza. Nos ta garantiza nos pueblo, cu e eleccion aki, lo ta e ultimo eleccion pa Staten den cual Aruba ta participa. Awe nos por papi cu tanto seguridad, gracias na e perseverancia di nos pueblo. Un lucha di mas cu 50 aña por fin ta bira realidad.

Pero prome cu nos a yega asina leuw nos noble pueblo mester a pasa hopi amargura. Primeramente door di actitud di politiconan den pasado. No ta pa motibo di nos pueblo, cu nos a wordo engaña den pasado, pero pa motibo di falta di capacidad, determinacion y corahe di nos politiconan.

PA HISTORIA NO RIPITI, mi ta invita nos culto pueblo pa un reflexion di e acontecimentonan, desde februari 1971, desde cu MEP a ser funda.

Kiko tabata e motibo cu M.E.P. a ser funda? Pasobra AVP y PPA a bai traha hunto den e Gobierno Central lagando e lucha di nos pueblo un banda. Ora cu lidernan di AVP a yama un reunion den Teatro

Rialto di 24 Januari 1971, e directiva di AVP a hiba Sr. Benito Giel y Sr. Betico Croes dilanti di huez. E tempo ey Huez a bisa Sr. S. Eman (q.e.p.d.) di AVP: Aña 1971 ya nos ta biba den era di dinastía!

Kiko ta nos opinion encuanto e lucha cu MEP a hiba?

Desde su prome entrada MEP a lucha militantemente den Eilandsraad. Generalmente tabata ser bisa cu MEP tabata gobernando for di den oposicion. E tempo cu AVP/PPA tabata den Gobierno Central y Insular.

Principio di Februari 1972, por cierto dia 2 - 3 y 4 di Februari, lider di MEP Sr. Betico Croes a opone Srs. Juancho Everts y Ronchi Isa fuertemente contra e idea di un federacion, den cual e Gobierno Central lo mester tin hopi poder. Te hasta nan tabatin e pudor di bisa cu nan kier un Presidente di e Republica di Antillas eligi di acuerdo cu e sistema "ONE MAN ONE VOTE" (eleccion a base di proposicion). Esey lo tabata implica cu pa eternidad Aruba lo a keda domina bou di e sombra di Corsou.

Lider di MEP a bini Aruba, y e fraccion di MEP a logra den Eilandsraad dia 28 Februari 1972 UNION entre AVP, PPA y MEP pa bai Hulanda pa averigua e posibilidad nan pa Aruba sali for di Antillas, y mantene lazonan estatal cu Hulanda (Status Aparte). Hulanda pa boca di ex-ministro Lardinois a bisa NO: ni cu



Antillas Hulanda no por mantene lazonan estatal, corda cu UN isla. Dia 15 April 1972 Lardinois reuni cu henter Eilandsraad den Sheraton Hotel pa duna una vez mas tal mensahe negativo.

PPA tabata prome cu a kibra e union door di declara cu PPA ta na favor di FEDERACION, y AVP cu tabata traha conhuntamente cu PPA a keda keto y no a coopera cu MEP.

Ariba 1 Augustus 1972 MEP a entrega un rapport na Comision di Reino plantando pa PROME VEZ DEN HISTORIA Independencia di Aruba.

Lider di MEP Sr. Betico Croes a participa na conferencia na Suriname na Augustus 1972, y arriba su insistencia ARUBA SU CAUSA a ser poni arriba agenda.

Tabatin incidentenan entre Srs. Rigaud, Juancho Everts, Godett y Sr. Betico Croes.

Durante tal conferencia Sr. Betico Croes a bandona e reunion, participando cu e ta bay back cerca su pueblo y despues di esey, historia ta conoci.

Ningun otro partido a hunga un rol den e causa mas te awe, sino ta Movimiento Electoral di Pueblo.

18 Maart 1973:

Manifestacion den Wilhelminastadion.

3 Augustus 1973: Pueblo a vota MEP pa su libertad.

19 December 1973: MEP a presenta un mocion den Staten pa e derecho

BAN CAS BEK

BAN CAS BEK

BAN CAS BEK

di Autodeterminacion cu a ser acepta cu un solo voto contra.

20 December 1973: MEP a drenta gobierno creando e departamento di Estructura Estatal.

Durante 1974: Conferencia Cumbre di e islanan.

18 Maart 1975: Marcha pa libertad den cayanan di Oranjestad.

25 April 1975: MEP ta haya e mandato di pueblo pa drenta Gobierno Insular.

18 Augustus 1975: Eilandsraad ta acepta un mocion di MEP pa manda misionnan politico den exterior.

12 September 1975: Staten ta acepta un mocion di MEP, reconfirmando e derecho di Autodeterminacion ademas priminti Aruba tur apoyo pa e misionnan den exterior pa realisacion di Status Aparte.

December 1975: MEP ta wordo saca for di Gobierno Central, pa motibo di e LUCHA.

Jan. y Feb. 1976: Misionnan politico pa Venezuela, Colombia, Panama, Costa Rica; Naciones Unidas State Department, Organizacion di Estadonan Americano etc.

18 Maart 1976: Inauguracion di Himno y Bandera.

25 Maart 1977: Manifestacion - Himno y bandera.

25 Maart 1977: REFERENDUM.

17 Juni 1977: MEP ta bolbe haya e mandato di pueblo den e eleccion pa Staten.

2 Augustus 1977: Manifestacion contra e exclusion di e representacion mayoritario for di gobierno Central sigui pa accionnan dirigi pa MEP, Sindicatonan Uni y ATSA.

10 September 1977: Delegacion bao di liderato di Sr. Betico Croes ta jega na un acuerdo cu Minister de Gaay Fortman.

20 April 1978: Delegacion di Eilandsraad bou di liderato di Sr. Betico Croes (MEP) ta firma un protocol na Willemstad cu Min. v. d. Stee y minister president Rozendal.

17 September 1978: Srs. Frans Figaroa (Mep), Betico Croes y Don Martina ta marca historia, hibando palabra den Tweede Kamer, defendiendo e derecho di Autodeterminacion.

1 November 1978: Protocol di Willemstad formando e comision di Reino.

14 November 1978: Pa di dos vez den historia Sr. Betico Croes ta hiba palabra den Tweede Kamer, awor tocante e Delimitacion di awanan territorial y e plataforma Continental.

17 Januari 1979: Instalacion di e Comision di Reino den Rolzaal na Binnenhof, Den Haag - Hulanda.

25 April 1979: MEP una vez mas ta sali e partido victorioso pa continua cu e realisacion di nos Independencia.

6 Juli 1979: MEP lo haya e mandato den e DECISION FINAL pa forma e Gobierno Central y realiza nos causa den e periodo aki.

RECORDATORIO: MEP lo percura cu e eleccion aki lo ta e ultimo eleccion pa Staten den cual Aruba ta participa.

Huzga pa bo mes, conciudadanonan **MEP ta e partido cu jamas a desvia. MEP ta e partido cu jamas a vacila. MEP ta e partido cu jamas a traiciona.**

MEP ta e UNICO partido cu a hiba nos lucha asina leuw y cu lo percura pe wordo realiza.

**PADILANTI NOS TA BAI,
NINGUN PASO ATRAS.**

**Boso Servidor,
BETICO CROES**



**ODUBER
& KAN**

NASSAUSTRAAT 42-44

**OPTICA
ZEISS
UMBRAMATIC**

**Christian Dior
Ray-Ban**

**CAMARAS:
KONICA - YASHICA
LEITZ etc.**



**SOBERANO
SIGUR
y
SINCERO**

VOTA A.V.P.

CO CO CORONEL

CANDIDATO No. 4

